



Inatsisartuni ilaasortaq,
Mikivisuk Thomassen, Inuit Ataqaigiit
Maani/

§ 37 naapertorlugu apeqquteqaammut nr. 49-2023 Avannersuarmi qaannamik qilalukkanik qernertarniarneq tunngasumut akissut

Ulloq: 17-02-2023
Suliap normua: 2023 - 3819
Akt normu: 22560303

Inatsisartut suleriaasissaanni § 37-mi imm. 1 naapertorlugu apeqqutinik Naalakkersuisunut nassiussaqaarsimavutit, Avannersuarmi qaannamik qilalukkanik qernertarniarneq pillugu. Apeqqutitit uanga suliassaqaarfigisannut akisassanngortinneqarsimapput.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apn@nanoq.gl
www.naalakkersuisut.gl

Apeqqut 1) Naalakkersuisut isumaqarpat Avannersuarmi qaannamik qilalukkanik qernertanik attatiinnarneqassasoq?

Akissut

Apeqqummi qaannamik piniarneq pillugu apeqqutitit naatsorsuutigalugu, qaannamik qilalukkanik qernertanik piniarneq attatiinnarneqassasoq Naalakkersuisut kissaatiginartutut isigaat. Tamannali sumiiffinni innuttaasunit najugaqartunit aalajangerneqassasoq erseqqissaatigineqassaaq, kommunemi ileqqoreqqusaq aqqutigalugu.

Apeqqut 2) Naalakkersuisut qaannamik qilalugarniartarneq kulturikkut eriagisassatut isigaat?

Akissut

Aap, Naalakkersuisut qaannamik qilalugarniartarneq kulturikkut eriagisassatut isigilluinnarpaat.

Apeqqut 2a) Akissut aappiuppat qaannamik qilalugarniartarneq kulturikkut eriagisaanerata kinguneranik, Nunatta aamma Canadap illugiilluni suleqatigiinnnerannut qanoq annertusaaqataava?

Akissut

Kalaallit Nunaata Canada/Nunavut-Illu akornanni qilalukkat pillugit suleqatigiinneq Qilalukkat qernertat qaartallu pillugit ataatsimoorussamik kommissionimi ingerlanneqartarpoq. Tassanilu qilalugarniarneq pillugu pissutsit eqqartorneqartarput, taassuma ataani ileqqutoqqat attatiinnarnissaasa pingaaruteqassusaa, naak nunat taakku marluk akornanni assigiinngissuteqarsinnaagaluartut.

Apeqqut 2b) Akissut aappiuppat, nunanut allanut politikki eqqarsaatigalugu, qaannamik qilalugarniartarneq kulturikkut eriagisaanera iluaqutissartaqarpa?

Akissut

Nunatsinni qangaaniilli piniariaasitoqqat suli ulloq manna tikillugu attatiinnarneqartut Naalackersuisut tulluusimaarutigivaat. Piniariaatsillu annikitsunik annaasanik pissatanillu kinguneqartarnera iluarisimaarnarpoq. Piniariaaseq aamma nipimik akornusersuutaaneq ajorpoq, tassami qilalukkat nipiliortoqaraangat qimaajasinnaammata.

Apeqqu 3) Naalackersuisut siunnerfigaat qaannamik qernertanik qilalugarniartarnek kvotanik killilersuinikkut ingerlaannassasoq?

Akissut

Aap, Naalackersuisut pisasseeriaatsinik allannguuteqarnissamut pilersaaruteqanngikkallarput.

Inussiarnersumik inuulluaqqusillunga



Karl Tobiassen
Aalisarnermut Piniarnermullu Naalackersuisoq